

嘉興府志卷四十三

嘉興府知府 伊湯安 重輯

名宦 二

嘉善縣

明

鄭時字習之沂州人歲貢生宣德初知玉田縣改嘉善性坦易不尚刑罰時縣治初建百事未舉與僚佐夙夜經營勞民動衆而下無怨言九載乞休

吳志

楊懋四川永寧人宣德三年任魏塘巡檢地當松秀要衝有中使夜過舟重命懋括民舟挽之懋怒將檢閱其行

嘉興府志

卷四十三

名宦二

一

裝中使恐夜易小舟去有鹽徒行劫懋率兵追捕格鬪數十合子殞賊手官兵稍卻懋氣益奮卒縛渠魁下獄梟市臺府上其功加主簿俸時初分縣治委懋經營不逾年而官廨學舍皆告成焉

浙江通志參嘉善于志

聶如斌豐城人宣德十年任典史職董水利令民廣築隄防常潛乘小舸察民勤惰以行勸懲境內大水憲臣驗荒者意有齟齬如斌卽自投田間水深沒頂憲臣動容民得免稅又以北鄉田久荒民苦賠輸督民高其圩塍

以備水患民皆賴之

浙江通志參吳志

李遜字時敏南豐人正統進士知縣事機警有吏才下不

能欺性寬易民有過笞之未嘗褫衣九載將行民詣上官乞留事聞進秩本府通判後以征閩寇督餉有功陞

知廉州府

吳志參嘉善于志

陳昂字勉之宜興人任訓導學問宏博訓士子悉根義理夜輒躬巡學舍察諸勤惰秩滿拜監察御史

沈律字應和崑山人由舉人中禮部乙榜授訓導性坦易作起士類兩與福建河南同考官監生李萼有母妻喪不克葬律首助之陞昌黎教諭

曾師孔惠安人由舉人任教諭勤于講授諸生貧而無書者購畀之或有饋遺拒不納

以上嘉善于志

嘉興府志

卷四十三

各宦二

二

汪貴字良貴歙縣人成化進士知縣事廉潔狷介愛民如子歲汰無名之費數十萬錢倉庾學校多其構葺然性伉直短于應對不爲當道所容又爲政不便豪猾以是坐調瀕行橐篋蕭然擁畱者數千人時華亭張莊簡公悅素知貴名白其賢冢宰王端毅公恕疏令復任

吳志參嘉

善于志

王緒字紹夫樂平人應天鄉試舉人授訓導立教尙嚴時學宮就圯緒不請有司勸鄉之尙義者助建學門構庫舍發石闌新聖賢之像飾祭祀之器皆有程式同時訓導劉汝瞻字民望宣城人歲貢生爲人清約講論斷斷

與緒寬嚴相濟緒秩滿擢知忠州汝瞻在任六年致仕

嘉善于志參
浙江通志

潘瑜龍溪人隆慶衛籍監生任邑丞剛果有為不惕于勢

嘗謁臬司隸卒二人至瑜館有所索瑜留之密往白于

臬司李延壽壯之即令推訊二人伏辜瑜剔刷百弊奸

豪屏跡嘗廣學舍置義田陞長安知縣

嘉善于志

劉子厲字克温江西人宏治進士知縣事性廉敏精悍斷

獄律比銖兩重輕皆自出其手胥吏奉成案而已政雖

嚴明中實慈惠操履清白或以權勢臨之屹然不動三

載徵為監察御史

浙江通志參
嘉善于志

嘉興府志

卷四十三

名宦二

三

藍郁字國馨鹽城人宏治進士初知蘄陽改任嘉善操守

廉潔愛民好士尤以厚風俗祛民患為亟有訟者輒以

至誠動之不任刑而民自服甫一載卒于官

嘉善于志

區越字文廣新會人宏治進士正德元年知縣事少遊陳

獻章之門慈祥簡靜得親民體平居無疾言遠色民甚

懷之擢戶部主事

李錫字天祐登封人監生正德三年任主簿性侃直有大

節八年江西姚源洞盜起犯衢州開化等縣錫應選率

民兵往禦至開化之馬金街斬獲賊首三顆力屈被擒

死于安仁之花橋贈本縣知縣後知縣張煥建尙節祠

祀之

王德明字宗周清苑人正德進士知封邱縣改嘉善持法

平允吏不能欺當道文移有不便者默寢之尤加意學

校禮貌諸生累官山西巡撫僉都御史

以上嘉善于志參吳志

倪璣字公在咸寧人正德進士由諫垣謫邑丞素簡伉儷

抑豪猾詢求民隱于財賦水利之法靡不究心創脩縣

志建思賢書院毀淫祠嚴保甲置義塚及社學三載擢

任邱知縣

嘉善章志參吳志

郭田字汝耕長安人正德進士知長子縣改任嘉善性簡

直政令畫一堅持冰檠操人有饋遺輒峻拒之嘗指白

嘉興府志

卷四十三

名宦二

四

鏹謂左右曰此能亡身敗家爾等毋為所污時有生員

朱愚上書陳其過即榜其書于縣門引以自責歷官布

政司參議

陳大韶字舜舉嵩明人童時嘗道拾美珠飾俟其主還之

侍父謁選京師父歿萬里歸觀廬墓三年母喪廬墓如

初事聞詔旌其門尋以選貢授訓導性淳篤言若不出

口動以禮信自持人稱為毋欺先生在任七年致仕上

嘉善章志

何天啟字羲

吳志浙江通志俱作義

占貴溪人嘉靖進士由諫垣謫

丞遷令嘉善前此訟多停滯天啟至三日剖決無畱勾

攝不遺隸卒民無騷擾值歲潦力請蠲免竟爲當道所阻乃以贖緩抵賦由是益得廉譽逾年陞南雄府同知于業字建公金壇人嘉靖進士知縣事性精敏猾吏不能爲奸歲稔申請蠲貸邑無饑民爲政敦大體延邑人陸邨郁天民重脩邑乘置學田旌節孝尤勤考課以振後學三載拜監察御史官至北畿督學使者以上吳志參嘉善章志

蔡煥同安人由選貢任崑山訓導嘉靖癸卯應天解元署嘉善教諭操履廉靖嘗捐俸課士士非公服莫敢燕見所談惟經義史學諸生成畏慕之後以賢聞召爲都察

院司務歷官臨安知府

嘉善章志

嘉興府志

卷四十三

名宦二

五

陳道基字以忠晉江人同安籍嘉靖進士知縣事性簡易御下以寬凡訊囚期于開釋三年未嘗入一重辟遇豪猾重懲之不少貸故事日輪里長一人供役所費不貲道基酌一年公用之數計派有逋負鬻妻孥以償者輒爲代補間有窮民困迫請借公用餘銀以自活道基隨數給之民亦無一負者又擇士聯文會躬爲校閱三載

擢御史歷官南京刑部尙書

嘉善章志參吳志

賴恩字英華汀州人官百戶嘉靖甲寅倭寇猖獗總戎調兵于閩恩奉檄禦賊賊突至枵腹出戰斬獲甚多時他將各觀望自保恩以孤軍血戰爲伏炮所中墮水死知

縣鄧植聞賊先遁餉絕衆兵入寺造飯賊縱火襲擊兵

大潰嘉善章志

黃樞字翊卿南昌人嘉靖進士知縣事外嚴內明發奸摘

伏法紀凜然邑大潦樞謁大吏免冠頓首請帑金以償

賦尤畱意里甲役法稱平猾書斂手秩滿陞南京刑部

主事遷湖州知府卒于官吳志

周案字濟甫安福人嘉靖進士知縣事年少英敏剖決如

流常以餘閒進諸生講藝又延名師啟書院擇士有志

者漸摩之厚給廩餼暮年更任華亭歷官吏部侍郎嘉善

章志參吳志

嘉興府志 卷四十三 名宦二

許鎡字國器石屏人嘉靖進士知縣事務崇節儉公出不

攜厨役私衙不然官燭署中隙地課僮僕種蔬自給時

訪民間疾苦有耆老董申洞悉徵糧利弊條陳均徭均

賦數事鎡奇之請于巡按龐尙鵬奏行其議立條鞭法

著爲令甲隴素嚴竣羣屬莫敢仰視鎡獨慷慨論議不

激不阿審錄時見笞囚太重顧謂羣隸曰吾民窘無以

賂若若無重傷吾民淚且霑霑下隴目之嘆曰是真民

之父母也考績北行不能具舟車之費至京拜御史轉

僉事嘉善章志

史朝鉉字貫之晉江人隆慶進士知縣事吏治明察胥吏

屏息性方介莫敢干以私擢南科給事中遷湖州知府
金和字元節長洲人萬歷進士知縣事性嚴峻持政縝密
吏莫敢欺監司令下築圩和每鄉擇巨姓有行者董其
事民不擾而功成至今賴之擢南兵部主事遷員外郎
以上吳志參
嘉善章志

胡彝簡會昌人由拔貢授主簿恂恂儒雅遵佐貳法惟謹
且榜誓言於門以自鑒上官批發據理曉諭不事敲扑
職司巡捕慮夜半邏卒倦臥每乘墉鳴鼓角發號以警
之時鄰府脫囚輒設法捕獲御史上其廉能擢長樂知
縣官至僉事

趙世顯字仁甫侯官人舉人署訓導丰采凝峻好與諸生
講論書法得晉人風骨尤工于詩所著有楚遊蜀遊武
塘諸稿登萬歷癸未進士

以上嘉善章志

章士雅字循之吳縣人萬歷進士知縣事蒞任後吏無訛
法延邑人盛唐袁黃重脩邑乘營葺學校公署不勞民
力六載陞禮部主事

謝應祥字鳳皋安福人萬歷進士知縣事嚴正有威邑向
無定役貧富不均應祥乃立照田起役法豪右不能漏
稅民德之考試童子拔魏大中冠軍秩滿召拜御史歷
都察院左都御史

林先春字狷庵閩縣吳志作人天啟進士知縣事恬澹無

欲風采凝然時民間投獻成習先春痛懲之弊始衰息

魏忠節斃詔獄追緩先春力為幹旋恤死庇生靡所不

至愛士尤篤有巘山課業丁外艱歸教授生徒四十餘

年

蔡鵬霄字培自晉江人崇禎進士知縣事詢求民隱以興

利除弊為已任憫糧役繁苦博采眾議設法均之學官

傾圯以時脩葺丁艱去服闋擢御史官至太僕寺少卿

李陳玉字謙菴吉水人崇禎進士知縣事甫下車漕兌紛

呶旗弁勒索加橫陳王執持甚力得復舊規覽邑形勢

嘉興府志

卷四十三

名宦二

八

購地築鶴湖書院建鳴鶴樓于縣治後請增科舉入學

額接見諸生以經義治事相勉且勸讀史漢大學衍義

聘已卯分校得士七人俱有才名所著退思堂集離騷

箋註易書詩經解行世秩滿陞禮部主事以上嘉善楊志

國朝

劉肅之字欽中安陽人舉人知縣事順治二年邑初定餘

寇未殄撫綏安集以慈惠稱陞刑部主事歷官溫州知

府嘉善楊志參吳志

莫大勳字魯巖宜興人順治進士康熙八年知縣事蒞任

初縣丞李婪橫大勳以嚴正待之懾不敢動御下不假

顏色胥隸皆股慄退聽撫民寬和待士有禮屆清丈平
役均賦實行官收官兌法上官嘉之頒行通省以爲例
在任七載清介之守始終不易舉卓異不能治裝士民
感恩輸助父老扶筇攀臥三十里臨別灑泣猶惓惓以
虛糧未盡去蕩糧未盡清三歎息焉考選擢給事中

浙江

通志參
吳志

闕振字翼公永定人舉人康熙丙午知縣事清剔逋賦識
拔名流以讒陷免官

楊廉字澹庵遼陽人以恩廕授知縣性剛果不畏強禦脩
築北鄉陞岸農人賴之邑志自章令士雅纂脩後八十

嘉興府志

卷四十三

名宦二

九

餘年散軼無稽前莫令大勲甫事整輯卽內陞去廉敦
聘紳士重脩刊刻燦然有章在任三載餘以呈誤去
任雲蛟字澹庵蕭山人順治舉人康熙丙午任教諭每月
課文品題甲乙不稍假借黷序傾圮謀于紳士鳩工脩
葺堂廡聿新任十年卒

盧燦字孟輝奉天海州人康熙壬子授邑丞遇事敏幹而
持以鎮靜擢龍游令

邵廷章字子會建德人康熙舉人授教諭課士一歲數舉
加意教育刻有魏塘課義三集遇歲科案發其新生之
貧者槩不受費兩次增葺黌宮後陞四川珙縣知縣

崔維華字西巖奉天寧遠州人服官勤慎詳革塘長重築
圩岸均有利於民續脩丁巳以後七年邑志維華父原
任湖廣藩司錢糧未楚奉檄核算解任去

盧宜字公弼定海人康熙舉人由蕭山教諭調補學問淵
深勤于著述教士寬嚴有法陞貴州鎮遠令

李之藻字辰銘武定州人兄文襄公之芳總制兩湖值耿
逆之變之藻隨任行間効力有能名後知縣事嚴明剛
介喜訟者俱斂跡之藻念民力惟艱三月開徵農忙畢
後始摘催一二革除漕糧私派飭束旗丁肆橫督濬城
河淺隘禮士崇文政教悉舉三載丁內艱去

嘉興府志

卷四十三

名宦二

十

閔元賞字紫階烏程人康熙舉人任教諭性和厚教士誠
懇勤于課試刻有鶴湖會藝四集倡脩學校在任十八
年與司訓趙汝旭趙天吉寅恭盡職卒于官

于舜枚字叶虞金壇人以副貢知縣事仁恕明敏精于剖
斷省差不擾澄剔舊逋分十限以紓民力脩復思賢書
院與士子虛懷講學刻有會課文二集詩賦一集一時
文風斐然以誑誤去

李夢昂字震爲江都人康熙進士選庶常改授知縣性端
凝操守清潔念嵌糧攤賠貽累力持正疆歸額之議丁
內艱去後官至貴州鎮遠守

康珪字輯瑞滎澤人由廕生爲邑丞循謹自飭不輕受民
一詞每委理民訟必勸令解釋康熙乙酉

御舟由松入澗道經嘉善當事議毀三官堂橋以待珪謂橋
高無碍力持獲免在任十七年卒貧無以歸知縣梁文
熿捐助百金返葬

沈雲鴻字又京杭州人康熙舉人任教諭課士甚嚴與人
交敦古道以學宮領圯商之邑長紳士重爲脩葺并更
新署舍議重建文昌閣未果陞嚴州教授所刻山石堂
會業暨司訓沈紹曾評選武水月課文並行於世

邵煜字夢陽登封人康熙舉人知縣事勤慎明敏革浮糧

嘉興府志

卷四十三

名宦二

十一

清漕弊嚴緝盜賊昭雪冤誣期年獄訟鮮少以其餘力
興利脩廢若城垣樓櫓壇壝祠宇倉廩官廨及義學義
塚河渠圩岸橋梁之屬公私賴焉性孝友且嗜學公暇
輒研究周易性理孝經每校士親加評隲列前茅者多
獲售一時稱盛陞中書科中書

周宗達字重章山西山陰人任主簿居官勤慎聽斷明允
尤篤于寅誼助康丞之喪恤王丞之孤人咸稱之後陞
任黔中紳士餞別賦詩有留惠集

楊繩祖字景西山西籍江南山陽人康熙舉人由冀州牧
改任嘉善銳精圖治寬猛得宜重構倉廳擴脩忠義孝

弟祠殷懷禮士常捐俸資其膏火逋租佔種者分別懲
做議歸復嵌田續脩邑乘葺梅花道人墓復建亞聖祠
俱未果期年病卒

以上嘉善戈志

張鏞字東序無錫人康熙進士雍正元年知縣事爲人寧
靜恂恂儒雅以振興文教爲己任脩思賢書院厚給膏
火集邑中俊秀肄業其中以左遷去士民懷之

李天桂字馥山大興人貢生知縣事有惠政縣收漕會久
雨米色腐爛坐罷職行治罪矣天桂詣城隍廟仰天呼
曰嘉善十萬漕我自問無顆粒實已乃令死于此乎士
民觀者皆爲感動有某氏子前曰公勿憂我等當復完

嘉興府志

卷四十三

名宦二

十三

耳一夕遍傳鄉市三日復得米三千餘石輸未畢啟前
厥貯視之則數寸以下皆精粒也旋以課完予復職時
有一販夫傾囊助十金某村婦貿布回置錢而去其得
民如此

羅緒字天根閩中人舉人雍正十一年由昌化令署嘉善
縣事操守清慎聽獄明允民有構訟者緒呼兩造至案
前委曲開諭民咸悅服數月之後案牘日稀嘗勸義塾
以教民學先時楊公廉纂脩邑志未竟緒延邑中紳士
續成之以註誤去邑人作詩送之名慈航集

張聖訓字杏傳奉天鑲白旗人雍正進士乾隆元年以翰

林改授知縣聽訟明決庭無留獄嘉善賦額視六邑較重而旗丁積蠹更抑勒爲奸聖訓廉知其弊因令各厥削竹編字號民自探籌得某厥卽持而從之槩而溢累黍者立加之罰胥吏皆懾息莫敢恣肆建魏塘書院集士之秀者謀以文藝親定甲乙凡勞農弭盜皆實力奉行其循聲遺愛至今邑人猶傳誦之

陳以剛字燭門天長人康熙進士乾隆三年蒞任爲人強毅愛民重士尤長于斷獄有以奴倍主者勢張甚以剛執而鞫之伏其辜隣邑有殺人者獄久不具大吏檄以剛往一訊卽得又較正市斛使歸畫一懋遷者咸賴其

利因號曰天長斛工詩善書文學政事兼而有之

陶學楠南城人乾隆九年由儒士授邑尉緝盜安民勤于職守時拐黨肆毒有受其重賂者力護之學楠盡法嚴懲搜拔根株當時有陶青天之名至今稱幹吏必推陶尉云

饒萬鑑長沙人貢生乾隆十一年知縣事性廉介政尙簡靜不事鞭扑時嘉禾六邑皆患螟災獨嘉善有秋民咸德之在任一年以引年去士民賦詩餞別名其集曰武

水清音

梁徽字慎五介休人舉人乾隆二十一年知縣事召邑中

父老詢以利弊武塘東連松泖西接秀水水鄉寥闊時有剽竊徽嚴飭捕保力行保甲法捐俸招募技勇協同巡緝萑苻戢影民得安居又以西北二鄉地形窪下每遇秋霖傷稼徽令于農隙時高築圩岸以禦水患他若崇學校釐漕弊置義塚以及育嬰堂同善會凡有益于民者莫不盡心籌畫調錢塘終杭州東海防同知孫震奉天正紅旗人舉人乾隆三十一年知縣事居心仁厚愛民如子有孫佛子之稱涖任半載以越獄去官士民咸惜之

周樽字眉亭昆明人乾隆舉人知縣事性剛直不畏強禦

有蠹吏稔惡不悛樽婉諭之曰若所爲吾盡知之今貸爾罪後有犯無赦吏涕泣悔悟終樽之任皆奉法惟謹以卓異擢本郡通判歷官安徽布政使

諸克任字伊人號虛白錢塘人乾隆丙辰舉人壬戌明通博聞強記處事明練歷佐大府幕丁亥補教諭兼掌魏塘書院悉心講貫爲人和厚所作詩文清麗有骨後陞寧波府教授

孫奇字國珍三河人以吏員授主簿分駐風涇鎮鎮與松江婁縣接壤作奸者每藉鄰境爲遁藪奇擒治不少貸操守廉介卒于官

邵子柟字學庵富陽人以歲貢選訓導學問淵雅尤長于詩時邑多火葬者于柟作詩勸之俗爲之變在任六年

引疾去以上新纂

海鹽縣

漢

案海鹽圖經謂海鹽令長秦先漢無考以東漢爲始又謂前志載漢令蘇章蓋據後漢書蘇章傳嘗爲武原長也不知武原是鄉未嘗爲縣惟彭城有武原縣豈得謂是茲土乎舊志名宦蘇章傳今刪

白沃史君順帝永建二年令也初縣治在武原鄉陷爲常

湖君乘馬走指得湖東北一角遂不沒民建廟祀之海鹽

圖經

嘉興府志

卷四十三

名宦二

十五

吳

步騭字子山臨淮淮陰人孫權召爲主記除海鹽長性寬

雅博研道藝訓齊風俗後代陸遜爲丞相三國志本傳參吳志

葛公失其名丹陽人有經國才仕吳歷宰海鹽及臨安山

陰後封吳壽縣侯抱朴子

晉

鮑陋隆安中爲縣令會稽賊孫恩攻縣陋禦之恩走復遣

子嗣之以兵一千爲劉裕前鋒追恩裕慮吳人不習戰

命居後嗣之竟前戰死陋終益州刺史劉志

虞潭吳國內史軍荒之後脩滬濱壘以備海沙百姓賴之

袁山松吳國內史孫恩作亂山松築滬濱壘緣海備之後

為恩所攻陷被害

以上海鹽圖經案滬濱在今松江東北六十里舊海鹽東北境

祖撫海鹽令有集三卷

隋書經籍志按海鹽圖經誤作梁人有集三十卷吳志又誤作隋

南北朝

虞邱進字豫之鄰人從宋武帝征孫恩破賊張驃追至海

鹽故治頻戰有功

海鹽圖經

王孚瑯琊臨沂人為縣令泰始初天下叛亂孚以兵從巴

陵王休若討顧琛琛欲泛海走會稽孚邀擊之不得渡

官至司徒記室參軍

吳志

孔僉會稽人少師事何允三為五經博士遷尚書祠部郎

嘉興府志

卷四十三 名宦二

六

出為海鹽令

袁志

周顒字彥倫汝南安城人隱居鍾山應詔出為海鹽令孔

德璋作北山移文嘲之終國子博士

吳志案本傳建元初顒為山陰令

呂向文選注作應詔出為海鹽令

蕭特字世遠齊高帝曾孫子雲之子官太子舍人出為海

鹽令

海鹽圖經

劉霽字士湮平原人天監中為海鹽令以和理著稱

明府元龜

徐份陵之子有父風解褐為秘書郎累遷太子洗馬出為

海鹽令甚有治績

陳書徐儉傳

唐

劉長卿字文房河間人開元進士至德二年攝海鹽令終
隨州刺史長卿有攝令上節度李公詩云昔忝登龍首
能傷困驥鳴遂令辭短褐仍欲請長纓罷攝後還舊居
詩云累辱羣公薦頻霑一尉微去緣焚玉石來爲采葑
菲州縣名何在漁樵事亦違讀此知長卿登第爲尉後
以事貶廢復應李公浙西幕府辟爲監察御史始承攝
縣之遣也

姚南仲下邳人乾元初擢制科授太子校書右補闕出爲
海鹽令觀察使韓滉辟爲推官歷尙書右僕射

以上海鹽圖經

李諤字士恢長慶中令海鹽察俗利病引河流資灌漑開

嘉興府志

卷四十三

名宦二

七

古涇三百以禦水旱民至今利之嘗于西郊立望城館

張祐題之以詩

唐書地理志參海鹽圖經

宋

黃郎中失其名

海鹽圖經或云名道

宋初賢令民立廟于州前祀之

何執中有重修碑記

吳志

魯宗道字貫之亳州人舉進士爲海鹽令疏治東南舊港口導海水至邑下人以爲利號魯公浦官至參知政事

謚簡肅

東都事略

石知一太平興國中以主簿攝縣始建儒學縣東翁緯爲之碑記蓋有功于文教者也

翁緯海鹽令初縣學建于烏夜逼近農田景德四年緯移

建于縣南自為記以上吳志

褚瑄嘉祐七年以屯田員外郎知縣事兼管勾鹽場騎都

尉遷廟學于縣南堂齋小學並新之吳志參海鹽圖經

李惟幾字幾道河內人嘉祐中為海鹽令時荐饑漕使元

絳行郡惟幾上書乞啟郡帑假官錢貸民糴種濬治溝

洫以備水旱又植木為閘及置鄉底堰三十餘所民賴

以稔柳志

范世京字延祖吳人文正公孫進士熙寧間令海鹽勸民

孝友力田治聲冠浙右趙圖記

嘉興府志

卷四十三 名宦二

六

何執中字伯通處州龍泉人進士高第判台亳二州元祐

二年知海鹽政識先務興學校築捍海隄置瀦水閘邑

人紀其十異五年遷太學博士官太宰吳志

喬大臨政和三年為縣令時朱勔以花石得幸浙江之西

一花一石不問何人家朱氏蒼頭排闥而入以黃紙封

之戒主人曰善護御前物蒼頭至海鹽入僧房將盡封

其花石僧徒少拂其意即箠之訴于縣大臨命追逮杖

十餘人朱勔誣劾之坐是罷免柳志

朱良字良伯吳郡人仕海鹽尉時金人分兵入境良集射

士百餘奮而前力不敵竟死事聞官其子續文獻通考

丁安義紹興時爲海鹽丞值歲旱詔復民租十之八而和
糴尙未罷安義語令曰歲饑常賦且減不應復有和糴
卽上官怒安義請以身當之檄屢下抗論反覆卒賴以
免浙江通志

徐光實字德充晉江人進士淳熙十三年爲海鹽令好獎
善類聞民行孝友卽加褒異性慈愛歲旦縱囚歸省吏
恐亡去囚輒如期至無敢脫者

蔣行簡字仲可永嘉人進士紹興中知海鹽有聲後知處
州以上袁志

嘉興府志

卷四十三 名宦二

十九

里民有宿逋檢縣藏得羨餘悉爲代輸縣有疑獄一時

平反

嘉靖浙江通志 案題名記紹興中並無邱耒今考福業院常棊碑云紹定元年大夫邱公來涖事法喜寺碑亦同則是紹定而非紹興也當以金石刻爲據

劉銓字全之樂清人進士隆興二年知縣事值水災請停
秋苗法勸富人助賑全活甚衆學舍久廢以圭租二百
斛倡脩之王龜齡誌墓稱其政務循良惜在官不久云

吳志

李大卞乾道中爲令縣境有常豐二閘歲久僅存其一
日就隳壞大卞重脩以復其舊且置堰以通往來民便之

海鹽朱志

趙師石

澈水志作師右

淳熙中澈浦監鎮知秀州趙善悉嘗薦之

於朝時黃洽為中丞以所親屬善悉善悉聞師石材而

未識面薦而後報曰宜以中丞所親為後洽大恚

趙善悉淳熙九年知秀州開濬海鹽官塘增置鄉底堰以上

海鹽圖經

李直養字無害維揚人初為海鹽丞紹熙

吳志作定

元年薦知

縣事與脩水利增置鄉底堰八十餘所重葢閘屋易閘

板自是農被其利又脩大成殿置書籍祭服兼設小學

廨舍亭館無不葺繕為叢冢湯山撈溺海屍葬之歲以

數百計先是縣未有志自直養創成之

浙江通志參吳志海鹽圖經

嘉興府志

卷四十三

名宦二

二十

施棐字微晉紹熙四年為海鹽教諭植品脩潔著有小學

記吳志

陳仲微字致廣高安人嘉泰二年舉進士遷海鹽丞鄰邑

有疑獄十年不決郡首命仲微按之一問立決後拜殿

中侍御史

宋史本傳

厲夢龍東陽人淳祐二年任鮑郎場司鹽歲大歉清苦檢

飭竭力奉公三年鹽課以足

吳志

朱寢炎字叔明朱良曾孫寶祐初尉海鹽持論廉恕決獄

平允郡帥多屬以事

劉志

汪元圭婺源人宋末嘗獻軍國十策特補承信郎茶院監

酒海鹽朱志案澈水志酒庫昔在瑛城後遷茶院去
與城一十二里後漕司庫官兼之是知茶院酒官卽
澈浦監酒也

元

顧泳汴人世祖至元二十一年知海鹽州值大旱禱祀陳
山雨立至築塘禦潮患名捍海塘卒于官貧不能還子
孫葬泳尚胥橋南遂家

邱世良字子正大德中教授海鹽嘗復學田楊載集有贈
邱子正之海鹽詩

呂德裕字文饒袁志單父人延祐中為海鹽教授初學田
萬畝餘俱被侵蠹德裕搜剔之以所入興脩廟學德裕

嘉興府志

卷四十三

各官二

三

處已以嚴行事有節時知州事趙孟貫賈禧先後有志
作興德裕亦卓然有成翰林陳旅書其績以為才可大
用云以上海鹽圖經

李仲彬至治三年知海鹽州甫下車時雨若禾黍成歌謠
載途又知州字蘭奚察邇見遠奸宄得其實情又海砂
場鹽司丞抹速忽廉幹寡欲能潔其操亭民不煩三賢堂碑
記

趙孟貫字子唯黃巖人泰定時為海鹽知州有惠民思
之

賈禧字吉甫宛邱人泰定時為海鹽知州能行之以正限

之以信羣佐若卑弟子老胥肅然奉之以上樂郊私語
葉彥中字大中松陽人至正時知州事才敏有風操累官

御史

陸德中失其名行省參知政事陳秀民有送德中赴海鹽

知州詩

陳某並其名字亦佚之至正二年任知州興學校作大成

樂範金為鐘及造琴瑟笙磬之屬集諸生三十二人肄

習之

范廉卿樂城人至正十八年以蔭補蘆瀝巡檢為人恂恂

儒者善騎射州瀕海亡命販私鹽擅利飛棹往來莫之

嘉興府志

卷四十三

名宦二

三十一

敢櫻至是皆心懼廉卿境內毋敢私販者時推官陳春
以平反鹽獄百人見稱大僚以為使巡官人人如范何
必陳司理平反也

明

郭自濟南人以吏員為典史奉職公勤有餘才幹洪武二十

三年知縣淡成奏保陞縣丞以上海鹽圖經

龐高博興人進士建文二年知縣事祛刷吏弊深得民心

永樂元年應求賢舉陞工部郎中吳志

張佑金壇人建文四年任典史佐理公勤吏民畏服永樂

二年應求賢舉陞長樂縣丞海鹽圖經

祛

畢瑗永樂五年知縣事築田圍一千六百四十民利之

吳復閩縣人永樂時以知印除海鹽簿聲績大著累官工

部侍郎

以上吳志

袁惟善贛州人吏員為海鹽丞勤撫字平徭役民悅服之

永樂十二年坐事謫徒民具績訴于郡郡轉聞之朝下

所司覆實得復職

海鹽圖經

上官廉南豐人舉人永樂十三年知海鹽縣公平正直和

易近民歿于官歸葬之日民有執紼號泣者

海鹽朱志

陳諤字克忠番禺人舉人永樂初官給事中歷陞順天府

尹謫知海鹽著有政績後遷長史

吳志

嘉興府志

卷四十三

名宦二

三

王端字宗正河間人監生正統十四年為海鹽令勤慎廉

平苞直不行刑罰不濫景泰五年朝覲還卒于途聞者

莫不嘆息

浙江通志

郭禮蒲州人正統間任典史清儉介直蒞下有威民信服

之

黃楚章豐城人歲貢生正統中授教諭設學規甚嚴與訓

導鄭理劇協心誘迪士習一振

鄭理劇閩縣人舉人正統中授訓導以經義德行教諸生

為體用之學士知嚮方焉

孫芳沐陽人正統中授訓導以興起斯文為己任增置學

舍與諸生日夜講授俱有程度絃誦之聲至曉不輟

莫震字霆威吳江人進士景泰七年補海鹽令任七月有

威嚴吏民敬畏不敢干以私終延平府同知以上海鹽圖經

周灝字秉純邵武人舉人成化三年知縣事往例里甲派

馬價百金灝遣還之有積吏劉淵者以弄法致千金灝

案其奸徵收例有羨餘灝悉貯庫以充正數縣苦徭稅

灝議捐賦之法遂減其徭之半在任三年清介如一日

擢松江府同知未赴卒邵武府志

楊克敬字宗禮真定人監生成化六年為海鹽令端重耿

介懲豪右後以執法為奸者所誣民聲其冤卒不白

嘉興府志 卷四十三 各宦二 三

李雲字載章分宜人進士成化十年任濬潑川水道葺繕

邑城稱能吏以上吳志

譚秀字聳秀江西龍泉人舉人成化中知海鹽縣先是海

塘脩築役七邑民夫為陂陀形易圯秀僱役改築植椿

壘石稍殺其外以禦潮水自此無患嘉靖浙江通志

陳暹字序進莆田人舉人成化中教諭有儀範工詞翰脩

葺縣志袁志

林榮字希袁志吳志作尚仁閩縣人舉人成化中授教諭待諸生

以恩義有脫其妻簪珥為贄者固辭不受卒于官貧無

以殮張給諫寧謂榮貌與心同言與行皆君子也

陳良字秉善莆田人舉人成化中授教諭以蔡氏書教諸生多所成就以上海鹽圖經

王璽字仲信廬陵人進士宏治十二年知海鹽新縣治興廟學築塘捍海砥方石縱橫相制尤為得法人呼為龍

王廟前樣塘擢知德慶州浙江通志

李頎字文嘉考城人舉人宏治末知海鹽縣篤厚廉謹士大夫號為長者

嵇綱字汝堅安東人舉人正德時自於潛令調海鹽蒞政二年案無留事獄無繫囚吏民懷服擢知湖州守以上

辛九齡字希章袁志吳志作童蔚州人舉人正德時知縣事剛方

嘉興府志 卷四十三 名宦二 二十五

自負不私一錢海鹽圖經

朱實昌字士光高安人進士正德時知海鹽縣時官河堽塞捐俸疏濬之在任三載召拜御史實昌長於吟咏其

試士詩有神駿留奇骨干將有異光之句時傳誦之吳志

張濂字景周薊州人進士正德中知海鹽縣蒞政三年民歌之曰前堂無吏人後堂無優人堂下無犯人擢監察

御史浙江通志

呂湯民河東人案海鹽圖經浙江通志作河南人監生正德中為海鹽丞

事母至孝為政清平卒于官歸無行貲

劉桂字子芳黃岡人進士嘉靖初知海鹽縣洞察民隱不

妄施刑工古文校訂郡中先達遺集終合州知州以上吳志

張聽字鵠舉奉興人進士以諫武廟南巡廷杖罷官嘉靖

四年起補海鹽令為政得大體民困徵役聽至減十之

五陞湖州同知官至戶部侍郎民懷其德立解帶亭浙

通志參海鹽圖經

夏浚字惟明玉山人進士嘉靖九年知海鹽縣英敏有學

識賦役多所調劑水鄉竈歸民後所授之蕩歲徵草價

納醮司賠累不一浚乃改議蕩給濱竈價并歸民糧其

濱竈舊所免民田之耗悉徵之選雋茂講授經義正名

宦鄉賢祀典續脩縣志人服其簡嚴海鹽圖經

嘉興府志

卷四十三

名宦二

董珩涇縣人進士嘉靖十二年知海鹽時海塘傾圮捐俸

脩築又葺澈浦城上官獎勵之

張載陽字子春浮梁人舉人嘉靖二十九年知海鹽時多

流寇令鄉鎮植柵又選民之壯者晝夜巡禦邑遂無患

以上吳志

童崇字德崇甌寧人嘉靖中授教諭性抗直善振作士氣

徐咸贈之詩有靜廉不作肥家計諄切期收造士功之

句

吳允隆江西人嘉靖間為典史奉檄築捍海塘縱橫互制

有法屢經風潮不圯名曰典史樣塘

鄭茂字士元莆田人進士嘉靖三十二年知海鹽值倭亂茂築城建敵臺集鄉勇晝夜守禦倭凡再薄邑城茂悉力死守得無患時寇南穴石墩北穴柘林海鹽介其中村落焚劫幾空茂弔死扶傷日不暇給而軍糧驛馬諸費咸備無失後以秦駐塢之捷賜白金文綺擢兵科給事中著有靖海紀略

李茂南昌人吏員爲巡檢勤慎明敏尤精於射嘉靖癸丑倭犯海鹽茂卽有牛橋之斬獲甲寅四月倭又猝至茂佐鄭令備城守器具賊知有備去復守澈浦城悉力捍禦城賴以全靖海紀略稱其屢隨征勦氣壯而弗懾上

嘉興府志

卷四十三 名宦二

三

海鹽圖經

何希周新寧人監生嘉靖時爲丞持身謹愿海塘圯壞希周泣請當道脩築陞許州判官

王宗載宗仲勉袁志吳志作時厚京山人嘉靖進士知縣事問民

疾苦省刑薄稅僉審徭役親自檢括里胥不能爲奸濬水利農不苦旱他如脩海塘禁私鹽清覈軍匠查革虛名兵餉精心悉慮暇與士子講藝多所成就云劉志

李薦佳字伯受潁州人進士嘉靖四十五年知縣事氣度

寬洪政尙簡易擢戶部郎吳志

鄭昊字祖欽順德人進士隆慶三年知縣事時築海塘親

往采石爲文諭俗惻怛感人擢南戶部主事

吳志參海鹽圖經

范梅字元春豐城人進士隆慶六年知縣事年甫十七明

察如老吏脩築角里堤蓄水以憂去

盛德丹徒人歲貢生隆慶中授教諭端嚴寬恕士有冤抑

求達有司者必面拒而潛爲之地終不使之知也

以上海鹽

圖經

高梓字植脩貴池人隆慶時訓導清學田徵逋租四百餘

石增置田一百畝時值土人周香聚黨爲亂梓白于縣

捕獲之薦擢通判

吳志

饒廷錫字文命進賢人進士萬歷三年知縣事政尙嚴肅

嘉興府志

卷四十三

各宦二

二十五

犯者罔貸時興役築塘身先百執程事以勞瘁卒祠海

上海鹽圖經

蔡逢時字應期寧國人進士萬歷中知縣事廉潔自持行

均甲法以三百二十畝管一役又革坊廂丁田役立門

攤僱夫法邑咸稱平

浙江通志

張汝翼景州人歲貢生萬歷時爲丞性魯直一塵不染日

惟舖糜而已陞廣寧衛經歷

周之光湘潭人歲貢生萬歷中爲丞管糧却例金人頌之

陞漢陰知縣

以上海鹽圖經

黃之俊字君籲清江人進士萬歷十五年知縣事溫雅循

謹好恤窮民以劾去清貧自苦民多寃之海鹽圖經參吳志

謝吉卿字脩之晉江人進士萬歷十七年知縣事時大饑

民多攘奪吉卿以鎮靜持之再築海塘有勞績海鹽圖經

王臨亨字止之袁志吳志崑山人進士萬歷二十年由西

安縣改知海監遇事精敏察獄不越宿縣城久圯加築

高廣海警無恐升杭州知府未任卒浙江通志

李當泰字元祉本姓俞泗州人進士萬歷二十二年知縣

事值編役限士紳免額謝鄰邑詭寄所徵賦稅悉以原

封發解耗羨無染歷官工部郎吳志

杜士全字道執上海人進士萬歷三十年自大冶縣調海

嘉興府志 卷四十三 名宦二 三

鹽性坦白嘗自謂吾作令于前官無一事更張于上官

無一事條陳獨服膺平易近民四字以為箴警然遇大

利害巖然不少動官至太常卿

漆元中新昌人舉人萬歷中以湘鄉令改教諭嚴取子敦

氣節士有伺有司謁廟請事者元中聞之先揭其人于

廟門使其自愧後署崇德以長揖漕使者遷教授勒致

仕去

翁恒吉壽昌人萬歷中授訓導端方嚴毅有不屈之節

陳柯當塗人萬歷中為典史歲乙亥開白洋新河築土塘

督砌捍海石塘勞績甚多陞高安主簿

濮陽春字生府宣城人進士萬曆三十三年自上高縣調海鹽性真率與人無忤擢南刑部主事

喬拱璧字穀侯上海人進士萬曆三十六年知縣事時衛卒餉多冒濫嚴絕其弊清田額行貼役法築捍海塘增設漕糧倉廩吏解及鬻街葺堰民多賴之擢兵部郎上

海鹽圖經

何杲

吳志海鹽圖經俱作杲

字白夫懷寧人進士萬曆四十一年知

縣事初政尙嚴後濟以寬故民畏而見德市肆有門攤商稅報派不均杲核而差等之困大蘇行鹽票多至六千滯正引且累肩挑賠贖杲令減票二千鹽課以足擢

嘉興府志

卷四十三

名宦二

三

監察御史

浙江通志

樊維城字亢宗黃岡人萬曆進士知縣事徵賦令民自行投櫃省漕兌贈耗數千百石爲孝子沈壽康立俎豆脩葺張給諫葉侍郎廬墓纂述縣圖經天啟中遷禮部主事

朱應熊字渭叟浮梁人進士崇禎五年知海鹽縣爲政和平而吏民畏服陞兵部主事

國朝

郭尙信字誠之遼東人順治七年知海鹽縣治術詳明漕兌嚴禁旗軍額外科索以白糧誑誤人皆惜之

以上海鹽續圖

毛一駿字槐眉竟陵人舉人順治十二年知縣事性仁厚

愛民好士尤邃於經學脩築城垣監築海塘有殊功吳志

潘宏仁歸安人舉人順治十三年授教諭學問純粹持已

接士皆出于至誠署縣篆清慎著聲陞紹興教授

雷騰龍字化明三原人拔貢生順治十七年知海鹽縣十

八年奏銷抗糧一案先期清算紳衿無錙銖欠各縣呈

累甚多人咸服其先見

湯其升字日峯南豐人進士康熙五年知縣事建縣治大

門及更鼓樓盡復舊觀

嘉興府志

卷四十三

名宦二

三

楊宏仁字蒼霞永安人歲貢生康熙初授海鹽主簿為人

質直不撓以南糧負債自戕民多哀之

黃學孝字衷赤大興人吏員康熙間授海鹽主簿頗著勞

績卒于官見漕兌碑記以上海鹽續圖經

張素仁字靜公遼東人廕生康熙九年知海鹽縣催科力

行滾單不事敲扑漕糧盡革陋規實心造士以興文教

脩築海塘發粟賑饑士民尸祝之浙江通志

董佩笈字時瀛武進人進士康熙二十八年知縣事居心

仁厚歷官川東觀察使子伸傳以先人遺愛所在遂家

於海鹽

李鍵字梅墅漢軍正黃旗人監生康熙二十九年知縣事
吏才明敏搏擊頑梗不遺餘力陞綏德州知州

梁澤字采山順德人舉人康熙五十七年知海鹽縣力革
諸役當官自給雇值莊田用順莊法民稱其便喜談藝
創觀成書院於西門外

王仕正字亦清漢軍監生雍正二年知海鹽縣政尚嚴明
獄訟衰息在任十年士民懷之

王綬字子文河南人舉人乾隆四年知縣事未及一載卒
于官遺孤世林世槐生母汪誓守撫之邑人感公多善
政請于上官撥育嬰堂東北隅以居兼助饗殮資世櫬

以寄籍爲諸生

周宣猷字雪舫長沙人進士乾隆六年由桐廬令調海鹽
操守廉潔才具明敏不畏強禦作興文教捐資創脩邑
志人尤以爲功之偉者

王如珪字桐叔宛平人歲貢生乾隆八年由仙居令調海
鹽踵前令周續成邑志俾六十年来文獻有徵公之力

也以上海鹽
續圖經

王錫位貴州人舉人乾隆二十年任鮑郎場大使居官務
以德化濱海竈戶相戒勿爲私販歲旱禱雨錫位徒步
三里許不以爲勞居民失火叩頭祈禱頭額俱腫解組

日囊橐蕭然商民醵金贖以歸

陳愷字藹堂融縣人舉人乾隆二十四年知海鹽縣明于折獄不妄責一人善堪輿治南有高阜愷以爲百里內秀氣所鍾捐廉建奎文閣以鎮之縣之科第綿延亦愷之澤也

王序端字可堂漢軍舉人乾隆癸未任鮑郎場大使奉委撥商捐公銀開濬沿塘新河頗著勞績工詩詞楷法時集士人爲詩文會秩滿擢廣西知縣

陳士珖字月巖仁和人舉人乾隆二十六年授教諭崇尚氣節見有司無諛色月課諸生每卷必爲芟改時有結

文社課藝者就士珖正之士珖集諸明倫堂左側課以文一詩一約本日交卷不許攜歸私齋在任六載致仕去

韓本晉字望川陽曲人進士由秀水調知海鹽爲人厚重政尙寧靜海寧陳氏改毀澈浦孫家堰張老人閘與澈浦士民糾訟不已本晉請於大吏得復舊制嘗奉檄委勘孝豐疑獄衆山之中肩輿不能達乃徒步至其處集諸犯于庭虛衷研鞫寃者咸得雪嗜讀書所在多惠政有古循吏風民至今思之

張九華字蓮洲號雨亭直隸人舉人乾隆四十四年由景

寧縣調海鹽性長厚操守廉潔邑多徭役派及編戶九華捐俸任之不以一錢累民歲遇秋試擇一邑能文之士贈之金以助行貲在任二載深得士民心後以疾卒于官妾汪氏殉節詳列女傳

吳焯乾隆四十九年署鮑郎場大使時東團場及西海場俱開濬脩築焯與澈浦紳士親督工程不辭勞瘁奉檄調任復留澈浦以俟工竣至今利賴之

以上新纂

平湖縣

明

徐韶豐城人監生正統甲子知縣事工部尚書石璞奏韶

嘉興府志

卷四十三

各宦二

三

罷軟不能任事去官景泰庚午部民保韶廉勤有為鎮守副都御史軒輓以聞遂復任

李翥東光人監生成化間知縣事時周家涇并獨山海塘

衝塌鹹水浸入民田翥奏乞將在官折贖納米銀計工

脩築從之

以上平湖程志

梅清字本潔大足人監生成化間任管糧丞衣粗食糲一

介不苟催徵餘日佐其長以廣教化大吏知其廉毅檄

按他邑疑獄多明允檄董海塘勸勞有方工速而固樂

近文士不廢吟咏九載考滿乞歸祀名宦

柳志參平湖朱志

郝文傑字士英陽曲人舉人成化中知縣事為政勤激勸

擇三老子弟中孝弟篤行者獎勵之里閭諸不軌及胥吏骫法咸裁以律遷知高郵州

林光字緝熙東莞人成化舉人以會試乙榜授教諭光生而清癯好學不倦師事陳獻章築室欖山往來問學者二十年巡按朱英勸之仕光以書報之尋以母強之出上敦教化養廉耻疏言甚懇切巡視彭韶廉其賢待以賓師禮丙午主考福建宏治己酉又主湖廣試是年總脩浙藩憲廟實錄辛亥脩嘉興府志壬子同考順天凡三校文多得名士陞兗州府教授祀名宦以上劉志參平湖程志

熊卓字士

吳志作志誤

選豐城人宏治進士知縣事剛毅明敏

嘉興府志

卷四十三

名宦二

三

權貴無敢撓之尤廉潔自守為時良吏擢御史祀名宦

趙圖記

郭天錫字福山登州人舉人正德末知縣事清謹有惠愛

不阿上官風力甚著遷知徐州

趙圖記參平湖程志

周仕字用賓廬陵人嘉靖進士知縣事剛正嚴明介然有

守詞無妄受以是少訟尤重學校母終於署徒步哀號

觀者咸為墮淚後令句容陞工部主事祀名宦

劉志參平湖朱

志

黎循典字成五華容人嘉靖甲午由舉人知縣事興學校

省刑罰均徭稅催科不擾和易近民擢御史

劉志

戴鍊字成之婺源人舉人嘉靖中任教諭有文學聲以古道率人崇尚志節生徒貧而好學者分俸賙之捐貲以

葺學解陞知寧州

趙圖記

蔡鳳字九苞南昌人吏員嘉靖中爲縣丞任事果敢篤實

絕無矯激近名之私秩滿乞休

趙圖記參平湖程志

張煌字用韜福建南安人進士嘉靖己亥知縣事爲政務

篤實不爲矯激邑中刁黠噤不敢動訟者得一言輒解

去陞工部主事

平湖程志

陳朝紀號石亭南海人貢生嘉靖中由歙縣訓導遷教諭

直已守道終始一節工詩常有天下可人惟雪色客中

嘉興府志

卷四十三

名宦二

三

知己只梅花之句歲祲捐俸周諸生急老而致仕門人

爲刻冷香畱稿以志去思

劉志參平湖程志

曾曙字場谷全州人舉人嘉靖甲辰知縣事性介不妄取

與剔蠹除奸與民休息是歲秋大饑殍殣相望曙力請

大吏出粟賑之廣設粥廠以食飢者會催科甚急毅然

曰吾官可罷民不可毒有逋稅者咸使歸業弗之繫民

免轉徙竟以緩徵罷去泣送者數千人祀名宦

李僑字仙臺長清人嘉靖進士知縣事立法尙嚴明先是

田賦不均輕重失實僑始爲均之民稅得舒

以上平湖程志

楊挺高字叔謙金鄉人進士嘉靖二十九年知縣事性狷

介袍履皆布素署中機杼聲達宵晝入覲時贊儀惟粗布兩疋家人紡紵物也署後有隙地種蔬自給以餘蔬饋士大夫曰不可一日不知此味排里供費一切裁省在任三年冰檠之聲聞於遠近祀名宦劉志參平湖程志喬登字子高延津人吏員任典史嘉靖癸丑倭寇至登奉檄禦於邑東南之曹家橋所將民兵猝見敵皆望風逃竄登奮身不顧率其子戰歿於陣祀報功及名宦平湖程志殷廷蘭廣東人嘉靖進士授嘉興推官署縣事倭猝至僅隔一水時未有城令民無走當爲疑兵以却賊於是晝則揚兵夜則列炬舟側市人聲應若十萬師賊駭遁百

姓歡呼相賀廷蘭曰是倖也不可以再亟申請築城以守經畫措置盡得其宜祀報功劉志

胡松字茂卿績溪人正德進士嘉興推官繼殷廷蘭後署縣事時議築城詣幕府曰民難與慮始請縛松置軍前民愛松必相急乃可舉事從之不閱月城成累官工部

尙書

吳志

劉存義字質夫襄陽人嘉靖進士三十三年知縣事時邑受倭患尤劇始議城守存義至負土築埤埤成而倭至雉堞屹然倭不能上悉力來攻存義申號令明賞罰擐甲援枹立矢石下倭見堅守遣酋至城下裸衣跳罵欲

激戰手弓射之應弦而倒倭解圍去總督胡宗憲率師
數萬屯城中土漢交雜供費億計存義盡心調護卒以
用間殲賊沈莊倭既平亂兵慘甚於倭存義百方撫戢
邑賴以全民爲立報功祠并祀名宦

平湖程志

顧廷對字子俞泰州人嘉靖進士知縣事遇事敢爲辨疑
獄洞得其情先是較田多寡以役民民以田爲仇廷對
創條鞭均徭法總計而年徵之貯於官以貼役者力均
而不病上官初弗之許廷對反覆陳利害十數條始得
如請令下民若更生逾年南海龐尙鵬按浙頒其制行
之各郡邑所在稱便擢御史祀名宦

一統志參平湖程志

嘉興府志

卷四十三

各宦二

三

法暲字雙嶼丹徒人縣自建治後百餘年未有志嘉靖癸
亥暲任教諭慨然以文獻爲己責博採省志府志摭拾
稗官家乘閱三月書成時稱詳核

吳志參平湖朱志

丁應賓龍陽人嘉靖進士知縣事務簡靜恤民養士前知
縣顧廷對立條鞭法法行浙中各郡邑他邑或稍更張
弊復滋應賓一遵約束邑人賴之

劉志參平湖朱志

趙書字同文桐城人歲貢生嘉靖末任訓導

案劉志作教諭誤勤

課士諸生餽遺却弗受其甚貧乏者至典衣以周之嘗
作明倫十二事以訓士士有篤行誼者輒稱舉以爲儀
表學道聞而褒賚之卽以所賚鑄鼎學宮爲銘以見志

陞遂昌教諭劉志參平湖程志

李實字若虛瀘州人隆慶進士知縣事究心民隱搜剔吏蠹獄訟日減諸役無所事事多散去乙亥夏海溢害稼實周視賑恤安集數千人邑有把持稅贖積蠹其中者洞燭之毫不敢隱僉徭煩簡各以力任民咸便之祀名

宦劉志

劉士瑗字允玉安福人萬歷進士知縣事性穎絕凡訟牒文移一覽不忘學宮災捐俸為倡不旬日告成監司議開金山渠士瑗慮海潮延入內地為民患以去就爭之乃寢陞刑部主事祀各宦平湖程志參袁志

嘉興府志 卷四十三 名宦二 三

洪敷文號質所臨桂人解元萬歷己卯署教諭容貌脩偉為人寬綽大度待諸生有體陞縣知縣祀各宦程志

江環字晉雲漳浦人進士萬歷丁亥知縣事是年大水秋無收越戊子己丑歲頻旱大疫殪屍載道環盡心賑恤平糶設粥市棺瘞死者又力請上官緩本年催科至以額虧受詘處之泰然在任不輕動官庫一錢自奉尤淡泊即鮮食亦不恒設云

黃焰字明寰商城人萬歷進士知縣事性愷悌不事筮楚奸蠹自戢恐差役擾民削木為隸以代追呼民便之案無畱贖非大獄一聽自息以勞瘁卒于官以平湖程志

王羲案浙江通志作義民字若惺江陰人萬歷進士知縣事聰敏

洞察民有犯至庭一見不忘每晨視事輒言昨日某人

行某事今在某地跡之不爽胥吏敬憚之徵糧僉役曲

盡規畫以竹籤註姓名糧額遞催完賦猾吏無所容奸

以憂歸袁志參平湖朱志

林維暹字用顯晉江人舉人萬歷辛丑署教諭事林本閩

中大族諸父兄多居顯要維暹清風挺節淡泊自甘簡

諸生十人旦夕論文先後登第者六人知縣王羲民雅

敬之為建鳳翥軒平湖程志

蕭鳴甲字象林案浙江通志作爾先漢陽人萬歷進士知縣事廉明

嘉興府志 卷四十三 名宦二 四

不煩苛兩造盈廷片言折之各唯唯去歲戊申霪雨浹

旬旁邑預訪富室待賑中人之產無寧居鳴甲嘆曰荒

未及民先瘠矣下令云賑在官毋需民也一邑安堵竟

亦有秋每造士大夫問民疾苦坦衷洞達至於事所不

可即上官無以易也政暇葺弄珠樓形家言大魁兆此

遷戶部主事平湖朱志

朱欽相字懋忠臨川人萬歷進士知縣事值編審剔釐飛

灑虛糧花分詭寄之弊設官圖立頑甲卻公費永著為

例脩城之費舊設里甲吏得緣以為奸欽相請派入條

鞭凡所與除皆務便民癸丑以母憂去初欽相父邦喜

為府同知再署縣事有善政欽相繼之邑人為立世德

祠後擢吏科給事中祀名宦舊浙江通志參平湖朱志

張蔚然字維誠一作成仁和人舉人考碑記核正萬歷間教諭博

極羣書與士子講學不輟邑令縉紳成就教又清學基

廣科額增置書籍勒學職題名碑案碑今積缺任俸百無考

兩議建尊經閣著有湖豐政槩

羅尚忠字孝可青陽人萬歷進士知縣事為政清簡執法

不撓北白南糧陋規洗刷殆盡禁火葬廣置義塚又捐

俸立義田慮民舟苦於供役為置官船代之在任不滿

三載以憂去後擢戶科給事中祀名宦

嘉興府志

卷四十三

名宦二

望

張賡晉江人舉人萬歷間署教諭樸茂肫懇不事矯飾却

脩脯絕餽遺同寅貧不能給者分俸給之以憂去弔賻

悉謝不受歸橐蕭然以上平湖程志

陳鴻烈六合人歲貢生萬歷末任督糧丞仁厚清介卻常

例不受私謁令有事檄下必力持公道好文博學溫然

有儒者風平湖朱志

陳熙昌字杲庵案浙江通志作景庵南海人萬歷進士知縣事蒞任

六年未嘗妄撻一人士民干法輒霽顏諭之捐羨金貸

贖鍰寬徭賦減貼役編審最稱弊藪熙昌先清官戶實

田照例優免以溢額者充役不及額而取寄莊以漁利

者盡數還民役田遂溢四萬二千有奇歲歉穀貴平糶賑恤境內帖然擢吏科給事中記名宦

魏俊麟遊人選貢生萬歷間任督糧丞清謹慈祥重道義好文學任未期冒炎督兌中暑而歿署橐蕭然邑令與鄉先生懇大吏給勘合始得以骸骨歸民號踊執紼者

千計以上平湖程志

韓炯號宇定奉化人歲貢生天啟初任訓導沖淡自適好與志士交諸生貧不能贄者反惠之力却童子贄蔬食飲水陶然也陞分水教諭平湖朱志

顧國寶號珠巖南直通州人天啟進士知縣事性剛介政

嘉興府志

卷四十三

名宦二

三

主愛民而務必行其法漕規久弛國寶力裁額外加耗又酌立收兌永制軍民帖然有奸商請於鹽使者議役批驗所於縣之西門外國寶力持不可事得寢捐俸置

義田三年調嘉興秩滿擢吏科給事中

平湖程志參袁志

趙廷柱字肩峩江山人歲貢生天啟中任訓導性樸率與士子講論循循如家人父子任數月卒及門哀之

平湖程志

程楷字公式合肥人天啟進士知縣事折獄平允催科不迫構三式館與教諭楊儁卿講學其間得法暄縣志稿

增脩之文獻賴以有稽記名宦

平湖程志

賴垓字宇肩德化人崇禎進士知縣事性貞介人不敢干

以私政務平易愛書讞語飾以經術善藻鑑士習文風
翕然丕變學宮災畱羨金以佐脩葺擢翰林院檢討

朱志

柴世臬字式穀仁和人舉人崇禎七年任教諭博通經術

勤課士嘗率邑人脩葺學宮祀名宦

新纂

陶嘉祉號盟水武進人崇禎進士知縣事一月卒有異政

民思之為立陶公墮淚碑

浙江通志 參袁志

吳春枝字元萼宜興人崇禎進士知縣事才敏而機警徵

輸有法歲饑加意賑恤全活無算

浙江通志

國朝

嘉興府志

卷四十三

各宦二

聖

劉秉鈞字參字奉天正紅旗人順治八年知縣事禮士愛

民而性嚴毅江上有警漕兌囂然秉鈞率家丁彈壓之

旗軍不敢額外苛索以世職改武歷任山東登萊總兵

平湖朱志

朱之翰字鶴門上元人順治進士知縣事潔已愛民不妄

用官庫一錢故事徵糧用櫃收每勒火耗之翰首行自

封自兌法臨倉供應槩行罷免秩滿去任行李蕭然歷

官河南提學

平湖朱志 參吳志

張應麟號振仲鄞縣人舉人順治十三年署教諭性貞介

不苟取與而和易近人時學宮久圯僦舍而居蕭然布

蔬不問餽遺士子貧者時捐俸周之陞直隸平鄉知縣

平湖
朱志

陶鑄字子固烏程人舉人康熙初任教諭為人和煦不苟

訾笑論學宗程朱以孝友訓士記名宦

新纂

王召字徵先烏程人康熙六年署教諭以興教率化為已

任重名流恤寒士待下嚴整學宮之體始肅以憂去

平湖

朱志

謝師昌字維賢鎮海人歲貢生康熙二十二年任訓導為

學有本勤課諸生凡貧而有志者尤加意獎勸以詩文

就質者戶外之屨常滿雖脩脯不具不計也秩滿得江

嘉興府志

卷四十三

名宦二

四

西布政司經歷自言作吏非所願乃告歸

受中編

呂猶龍字爾霖奉天正紅旗人監生康熙三十一年知縣

事值饑饉後一意撫綏夏旱步禱甚虔時出郊野勸農

詢民疾苦給酒米以慰勞禁絕請託遏抑強暴兇猾不

逞者相率屏迹先是徵解南糧有貼解浮面諸耗猶龍

悉裁去之創橋梁緩催科葺城垣一切興革百姓盡蒙

其福在任四載以憂去邑人樹坊通衢顏曰召伯所芟

案坊今
無考

後為運使行經平湖父老遮道迎之累擢福建

浙江巡撫祀名宦

王國英字俊侯奉天正白旗人康熙三十九年知縣事以

撫字爲主不事催科清操自矢在任五年終始如一去
官一邑如失慈母以上吳志

董天眷字紫來奉天正黃旗人歲貢生康熙四十五年知
縣事以崇儒重道爲己任集諸生學舍給膏火延純儒
與講說爲政寬平不尙嚴酷遇奸宄蠹胥必盡法懲之
邑向無育嬰堂天眷始建堂六楹捐俸置田爲乳哺費

活嬰無算後調錢塘平湖張志

顧之翰太倉州人監生康熙五十一年任主簿讀書勵節
不取民間一錢出入坐一破肩輿自僱脚夫二名昇之
屏去儀從遇事無所忌諱人稱爲顧青天西野筆談

嘉興府志 卷四十三 名宦二

聖

孫右翼字衛如鉅野人吏員乾隆二十一年任主簿潔已
自好縣有委理訟事必先理論而後裁之以法居平鍵
戶課子讀書爲詩亦灑然有致知縣劉純煒知其貧歲
分祿米爲助任滿歸平湖王志

劉純煒字仰仲諸城人進士乾隆二十五年由海寧調知
縣事聽訟勤敏凡前任累年未結案牘斷一空邑奸
猾侵漁里閭廉得其名榜治前罪大者按法流配之微
人許姓者負富家金繫獄數年榜掠無完膚純煒出諸
囹圄脫赭衣釋歸曰吾豈承富家指重苦貧民耶擢杭
州府東海防同知歷官順天府尹平湖張志

周大樞字元木山陰人舉人乾隆二十六年任教諭爲人樸懋研窮經學自漢唐以來注疏家言皆能條舉縷析尤邃於易諸生中有篤學好古者口之不置多所造就居九年卒於官著有存吾春軒詩集

周昭仔字湘岸湘渾人舉人乾隆三十二年知縣事性寬厚不嚴責扑不急催科訟簡刑清公餘讀書不輟月課諸生恒親加甲乙與教諭周大樞最相得過從講論無間任四年卒於官

以上平湖王志

王恒字久也遵義人舉人乾隆五十年由慶元令調平湖潔已奉公善斷獄摘奸發伏宵小屏迹重文教增建當

嘉興府志

卷四十三

名宦二

吳

湖書院屋五楹脩陸清獻墓道清釐其地之被佔者丙午夏旱開橫橋堰以通泖之上流潮汐大至民利賴之重脩縣志十二卷

新纂

石門縣

宋

吳伯舉括蒼人元豐八年知崇德縣先是廟學皆廢慶歷中始議州縣立學伯舉經始爲諸邑先豐約稱事聚學者擇經師教以義理文章務中有司之程四方間令賢皆來學恐後舊繪像于邑庠今祀各宦

劉志參崇德新志

左惟溫字正一元豐間崇德尉有捕擊盜賊功擢連水軍

錄事參軍

張公秀字仲實吳人美詞翰紹興初為崇德丞升臨海令
皆有善政後就崇德家焉以上趙圖記

黃揚紹興間知崇德縣縣治自羅建炎兵火鞠為茂草寄
治廣法院者二十餘年揚至始建縣治區處有方民不

知擾明一統志

冷世脩字良器常熟人進士紹興間崇德簿知州張瑜異
其才移攝理掾郡獄屢空終知建康軍趙圖記

葛邲字楚輔江陰人進士乾道初知崇德縣以樂易處心
以儒術飾吏治事舉大綱鎮以至靜綽然有循良之稱

嘉興府志

卷四十三

名宦二

聖

明一統志 案葛邲崇德縣志作葛邲字用光青陽人

黃幹字直卿閩縣人受業朱熹授迪功郎監台州酒務調

監嘉興府石門酒庫前此庫官多武夫子弟為之既律

身不廉而吏恣為姦官醕本薄私釀橫行故積負上司

錢以萬計幹既至以官錢自往市米于產米之地凡織

悉必躬親雖隆冬烈暑不憚也歲入需然或謂瑣瑣者

何足以煩君子幹笑曰孰非公家事耶在官申酒庫利

弊侍郎辛棄疾枉車騎見之歎曰是為乘田委吏者也

歷知安慶府學者稱為勉齋先生

宋史本傳參崇德縣志

樓寅字仲甫東陽人寶慶中知崇德有吏能始至即究極

源流疏剔弊蠹發為教條俱有準繩明一統志參柳志

夏元直字致君會稽人淳祐間知崇德脩學校興農課尋

訪故實平易近民庭無畱訟囹圄久虛以最績聞柳志參劉

志按明一統志及柳趙志俱作夏元直崇德新志作黃元直劉志分夏元直黃元直為二人誤

元

鄧文原字善之綿州人大德二年崇德教授博學工文家

貧行潔學者尊事之終集賢直學士柳志參趙圖記

盧禮明一統志作盧祥字仲敬太平人至順初知崇德州值旱澇

相仍民多流離召富民勸令出粟減糴價之半以賑乃

計口更番以糴三日而盈四千民賴全活上議於府令

嘉興府志 卷四十三 名宦二 吳

商賈富僧均買引鹽省民鹽鈔三萬八千餘錠興學脩

社均賦恤刑民感之如父母柳志參趙圖記崇德新志

王雍字元肅至正二十年任崇德州律已公廉臨事明敏

遷改儒學建明倫堂陞蘇州府同知崇德洪志

秦約字文仲崇明人至正間司教崇德以學行聞洪武初

應詔試慎獨箴拜禮部侍郎母老辭歸趙圖記

按石門鄒志職官表載至正時有州同知夏蔣二丞俱失其名周致堯俞鎮皆贈詩事蹟無考附錄于此

明

畢輝洪武中知崇德縣與縣丞齊搏同心執法有旗軍來

自京師公幹恣橫輝械繫以聞上嘉之遣行人齎勅勞

之大清一統志

涂順建昌人進士永樂中知崇德廉勤自持滿去諸所用器封歸筦庫一物不攜

辛耀萊州人前陝西按察使謫戍宣德中起知崇德貴使

乘傳過邑求索無厭耀以禮接之不徇其求省民財視

昔倍蓰云以上趙圖記

焦寬字仲容葉縣人進士正統中知崇德明敏善撫字教

育生徒脩學舍館給之親為離析經義多所造就六載

擢監察御史崇德新志

郁綸字理之德州人進士景泰六年任崇德時縣署廢久

嘉興府志 卷四十三 名宦二

晃

自學校壇壝祠宇悉規畫繕理大盜章正等為患設方

略擒之民賴以安性剛直忤當道罷崇德洪志

王輿巢縣人舉人成化初知崇德愛民教士脩舉廢墜三

載召為御史趙圖記參劉志

彭禧字樂善崇安人國子生成化中任崇德丞縣當要衝

疲敝禧隨事區畫具有綱領惠安貧弱百姓大和六載

乞休縣人不忍其去送錢塘涕泣為別

張超字能達安福人進士成化中知崇德自奉儉約政尚

寬厚遷刑部郎中

袁端新淦人舉人嘗主白鹿書院成化中為崇德訓導舉

白鹿規約束生徒遷教諭

湯沐字新之江陰人進士宏治中知崇德時徽人相與殖資縣中取民倍稱之息民不能堪沐下令捕之皆散去省裁夫廩之費歲至萬緡增置縣市里甲以均供應禁治喪用浮屠及觀美相誇者躬課生徒館穀獎勸之抑強惠弱興利已害服食器用悉自家攜來六載召為監察御史官至大理卿以上趙圖記

陳伯諒字執之福清人進士正德中知崇德嚴制豪強尤痛繩黠胥獄訟衰少凡學校公署多其脩建在任三載

境內肅然擢監察御史崇德新志

嘉興府志

卷四十三

名宦二

五

洪異字大同龍溪人舉人正德中知崇德開天長河以灌邑之千乘鄉蕪地盡成沃壤新學校置義塚脩建橋梁皆久遠之績居五年政成擢御史時典史李滋字子潤宜興人亦廉能稱任使異舉善政輒佐之尤篤於學校每得閒地皆構屋取賃錢給學徒膏火至今利之濬市

河運土為文壁山桂山趙圖記參崇德新志

徐之鸞趙圖記作齊之鸞字瑞卿桐城人進士吏科給事中正德

中言事忤旨左遷崇德丞勤政愛民擢知長興官終副

都御史崇德新志

陳相字君輔洛陽人進士正德中知崇德縣為人剛果時

中費用事其黨至邑者賂遺之相獨不爲禮一切裁抑
巡按廉得其狀有不畏疆圉之稱擢御史

嘉靖浙江通志參劉志

張守約字彥博華容人進士嘉靖中知縣事爲政務舉大綱不責苛細崇學校端習尙摧強撫疲豪右惕息自奉清約客過者出蔬飯對餉進生徒講課激勸興復傳貽書院樹先達諸坊表於前爲多士思齊之勸張侍御按崇嘆曰張令能作此好事耶薦陞大理評事去之日圖書數篋士民思之

艾鼈新建人隆慶五年由舉人知縣事廉潔好脩性甘澹泊接士大夫以禮譚藝懇懇不倦所食蔬魚不取民間

嘉興府志

卷四十三

名宦二

至

尤勤撫字時秋霖當道督課亟鼈曰青黃不給吾寧以官博民乎調知長樂陞建水知州

蔡貴易同安人進士隆慶六年知縣事居官明敏力除奸弊過目不忘靡所遺漏歲却羨餘申減驛費時含山盜楊雷輩橫里中當道議發兵貴易徐以方略縛致一境晏然尤善迪士類拓學宮建尊經閣復包角堰蒞任五年終始如一擢去士民相與構四知亭立碑以識思焉石鐘湖口人監生萬歷元年任教諭性溫厚中有涇渭以禮自律遇事抗論不同公租出入不染指力辭餽遺諸生貧者捐資以助去之日皆揮涕不忍別

以上劉志

陳履字德基廣東人嘉靖進士初令下雋再令海陽最後令崇德一切務從長厚鎮躁以靜養威以寬不為鷹擊而政平訟理浙江通志

朱維京字可大萬安人大司空衡之子進士清介自持剛正寡諧不附江陵謫判汝州調崇德政務寬大先是丈量田畝屬之平湖令截弓三寸致浮舊額五千餘畝維京悉復舊額民大感悅逾年陞工部主事士民思之入三賢祠劉志

孫承謨字含冲侯官人進士萬歷十二年知縣事治多惠政往年漕糧皆由糧長收發謂之九收一發此甲值糧

嘉興府志 卷四十三 各宦二 至

長彼九甲漠然不顧逋欠欺賴糧長賠累無不破家承謨創立各收各發例一時便之石門鄭志

陳允堅字貞甫長洲人進士令諸暨調崇德其興除盡中窾會凡學校郵傳廟壇倉廩吏解犁然脩舉至今賴焉

卒于官崇德新志
案崇德新志又有張廷相韓嘉善蔡廷臣汪在前方玘俱知崇德縣其政績卓卓有大過人者韓以例貢通籍豈弟廉介尤繫人思然皆未能立傳附識于此

靳一派字宗源海澄人萬歷間由舉人知縣事捐助學田纂脩邑志鋤擊豪強奸民斂迹值歲大水賑飢卹患士民懷惠遷潁州知州袁志

陳心得湖廣永定衛舉人萬歷庚申令崇德愛民多惠政
司藥局失火奮身捍患以砲傷立斃縣人傳其爲神云

石門
鄭志

余鼎字匡九仙居人萬歷間爲崇德訓導明經講學亶亶
不倦著有孝經訂正行世

孫繼祖字繩武武義人萬歷間爲崇德教諭一介不苟以
道義約束諸生有不率輒懲之升平山知縣

高士選字毅農長樂人舉人天啟時爲崇德令有陸符虎
金象精者挾其貲橫行鄉里士選執法翦除之又禁革
蠹吏私派重繩里胥之需索虐民者以不得志挂冠去

嘉興府志

卷四十三 名宦二

三

以上
吳志

何獎賢廣東人明經任邑丞敬士愛民協恭盡職

鄭滂字甘澍湯陰人由進士初任山東魚臺令調浙江運
司知事甲戌署縣事洞察積弊豪強斂迹待紳士謙恭
有體然不可干以私漴政九月潔已秉公如一日遷延

平推官

以上石
門鄭志

林冲霄字雲客霍邱人進士崇禎時爲崇德令值編審嚴
釐花分詭托諸弊賦役得均性慈祥刑不妄施累官給

事中

劉國會字恒岳武陵人舉人崇禎時爲崇德令脩葺學宮

鼓勵士子一時人文蔚起為政寬厚不苛於法士庶呼為長者以上吳志

孫肇元字若木武康人明經任教諭持守清介倡脩學宮

石門鄭志

國朝

鄧國棟字上簡大興人順治初以杭丞來署邑事時境內多盜焚劫肆起國棟下車擒其渠魁殲之略盡追糧不事鞭扑而完解如期南征大兵經臨承應合宜鄉城無

擾石門鄭志

陳邦寄字震軒完縣人順治九年以廕生知縣事時海氛

嘉興府志

卷四十三

名宦二

五

方熾匪黨嘯聚村落邦寄多設法撲滅之歲大旱齋戒步禱漕務杜絕陋規撫卹糧里以誥誤去人咸惜之

韓文鋒字二水長安人進士康熙元年知石門縣潔已愛民謙恭接士邑催征往往頑戶逋賦官責見年文鋒設飛票止追欠戶在任八月去

謝元瀛字定夫饒平人進士康熙三年知縣事為政寬平燭奸釐弊不遺餘力縣當孔道供億煩費牒請隣邑協

濟民困稍蘇誥誤去以上石門鄭志

管鳳來蕭山人康熙十一年為石門教諭以六經訓士子

始宗實學吳志

李灼文安人進士康熙甲寅知石門縣耿藩之變境內屢有兵擾土寇陳彪富二等乘間橫行玉溪鎮灼故嫺武藝偵知中秋夜羣盜會飲于某所促裝持械單騎潛行命兵役尾後直入盜所盜方飲不知爲令也羣起搏之灼擊仆數賊兵役繼至獲匪黨數十人分首從置之法由是餘寇奔散民賴以安

倪瑄成都人乾隆元年以舉人知石門縣愷惻慈祥民爲觀感有兄弟爭產者瑄命擇一小室止設一榻置二人于中明午召至未及問兄曰罪在我弟曰我不遜罪在我瑄曰然則產究誰歸兄弟相讓愿公合族作祀產案遂結前後宰邑凡十三年政簡刑清訟庭草長有白雀來巢獄樹卓異擢刑部主事

吳迪埰號梧岡山陰人舉人乾隆十年司訓士風翕然丕變嘗曰藥無美惡人吾籠者皆堪充用在治方者得其宜耳以詩法授後進邑諸生之嫺韻語者皆其教也六十辭官寓邑之東河塍時邑令王善楠亦以謝職僦居東寺與邑之名士日相過從爲真率會卒寓舍歸葬著有梧岡詩文鈔

王善楠字令樾含山人乾隆十九年以舉人知石門縣孤介絕俗榜於堂曰不貪以爲寶有慾焉得剛擊強暴扶

孤弱積案未結者日理數事不三月而畢境有積匪吳
二章二羅三錢六設法捕之翦其黨翼訟師蠹役整治
一清葺傳貽書院爲講習之所按季試士品題確當隣
邑諸生冬攜硯就試者脩城垣橋梁舉無累于民乙亥
春澇禱城隍廟日邑政缺失罰當在令百姓何罪遭此
淫潦言訖涕泗橫流拜伏不能起禱畢雨卽止歲仍有
秋爲忌者所中被劾去瀕行民扳輿號泣填塞不能行
夜潛去著有樂兒集以上新纂

桐鄉縣

明

嘉興府志

卷四十三

各宦二

五

生用和蓬萊人國子生宣德五年桐鄉始分縣用和爲令
經營草昧凡城郭衙署一切所爲俱得其領要民皆樂
從以憂去繼用和者趙中代州人亦以太學上舍宰是
邑能因用和之緒去苛去擾民歌思之桐鄉徐志案
初選者牛姓用和各宣宗覽之日民之
見聞雜記聞令
父母何以姓牛御書改牛字爲生字

田玉字德潤內江人國子生正統中知縣事勤卹民隱時
閩浙盜起軍需繁重玉寬假獎率貧富適宜民用不匱
以艱歸父老上疏乞畱服闋又上疏力請復任與民益

親內外整飭六載陞知瑞州府

柳志參桐鄉徐志

張泰字見爲樂亭人國子生景泰初知桐鄉視民疾苦去

兼併招商賈爲邑大利又繕完公署學校壇壝土木屢興而民不病九載多成績

鄧玘順昌人國子生景泰中授桐鄉丞佐理廉能多所建立有公清勤慎之操九年任滿如一日

王哲金鄉人舉人天順中知桐鄉德器溫粹政尙寬平以外艱歸民立碑紀德

孟俊字世傑咸寧人舉人成化中知桐鄉廉明有膽略理棼剔弊敬老卹孤咸惠並著尤加意學校居七年召爲監察御史歷官布政司參政

以上劉志

胡憲郟城人國子生成化中爲邑主簿性端嚴吏民不敢

嘉興府志

卷四十三

名宦二

七

易之頗著勞績

表志

孔公潤字澤文曲阜人至聖五十八世孫國子生宏治中爲桐鄉丞儒雅有惠愛三年以老乞休

劉志

王昊字汝欽衡陽人進士宏治中知桐鄉除田糧詭欺之弊脩舉廢墜以廉介有爲稱五年召爲監察御史

趙圖記

徐珪應城人吏員宏治中上封事除桐鄉丞慷慨重節義有幹局縣事多賴以辦三年陞高唐州判官歷贛州府

同知

劉志

李廷梧字仲陽莆田人進士宏治十三年知縣事有才識遇事迎刃立解吏不能爲奸脩學校平賦役正祀典平

聽斷文章政事一時稱美四年召為監察御史

桐鄉徐志

張紘字文儀上海人進士正德初知桐鄉篤厚慈惠有循

吏風遷知高唐州

袁志

楊璨字仲玉江南華亭人進士正德初為桐鄉令飭吏事

以儒術不為阿曲居半載監司薦其才改知開化去桐之日民攀轅載路後陞刑部主事

任洛字仲伊鈞州人進士正德初知桐鄉明敏公廉脩舉

廢墜桐鄉志書皆其手定三年以憂去行李蕭然累官

都御史

以上袁志參桐鄉徐志

蔣琪字信國溧陽人進士正德中知桐鄉治尚寬恕然能

嘉興府志

卷四十三

各宦二

五

繩束吏卒不敢為奸工詩畫畫尤珍重於時遷工部主

事

桐鄉徐志

范來賢字昌國常熟人進士嘉靖時為桐鄉令英察果斷

決獄如流三年陞刑部主事

袁志

方克字惟力桐城人進士知桐鄉縣寬厚簡重有循良長

者風擢監察御史

劉志

金燕字尚賓號芝川潛山人進士嘉靖三十三年知桐鄉

性廉介才猷過人始蒞任值倭寇圍城城幾不保燕百

計禦之城以得全召補禮科給事中民咸慕立生祠

分省

人物志

錢淵廣德人嘉靖時以舉人爲桐鄉教諭廉敏有學日偕諸生談論經史評騭文藝不少寬假勸人以六德六行有浮薄者輒譴之廩生金某貧不能葬親淵捐俸瘞之見婦人泣于道詢知其夫負富民錢將鬻身以償淵召富民至好語勸之且云若如吾言吾當請于令以旌汝義富民卒感動免其夫償更與之金

袁志

江萬和字一中黟縣人舉人隆慶己巳知桐鄉縣秉性耿介興學校清賦稅逋逃者悉招撫之昭雪張樽等冤獄後陞膠州知州

桐鄉徐志

蔡時鼎字和甫漳浦人進士萬歷甲戌知縣事年甫弱冠

嘉興府志

卷四十三

名宦二

五

初至不露圭角吏人欺之一日坐堂皇顧吏曰今日新官上任矣將平日所欺事一一摘發合邑驚爲神精敏剛斷事無巨細莫能隱居官約素有製裘贈者堅卻之以艱歸跣足扶柩出邑門百姓男婦皆爲流涕後擢御

史

袁志參桐鄉徐志

須之彥字君美號日華嘉定人進士萬歷丁未知桐鄉事次年五月大水田疇盡淹之彥親循阡陌請於上官乞疏免本年田租水落勸民播種是秋大熟賦復減十之七民賴以全去官之日行李蕭然邑人周拱宸作萊釜生魚賦以美之

藍應斗景陵人舉人萬歷庚戌知桐鄉爲政首懲貪風勵

胥吏剔弊均徭興文敦俗卒於官以上桐鄉徐志

王士鏐號勉齋金壇人進士崇禎壬申知縣事御民以慈待士以禮悉蠲文網而吏不敢爲奸五年內召士民攀

轅不獲肖像立祠袁志

盧國柱江陵人舉人崇禎丙子知桐鄉縣三載將入覲校官應信遇風日公律已廉爲民惠竊聞魏邑入都皆有餽遺公不能獨無國柱曰降調不失首蓿齋以百姓難得之財經營一官吾不爲也應退語人曰與公周旋久今日乃見其心

嘉興府志

卷四十三

名宦二

李

嵇之楚字蒼梧德清人舉人崇禎辛未教諭桐鄉令諸生各舉所知獨行者書講堂察諸生甘貧有守者告於邑令發學租周之官牆久圯廟廡堂廂射圃靡不頽廢悉

加脩治釐訂禮器祀名宦以上吳志

黃徽允號慎庵晉江人進士知桐鄉縣崇禎十三年水傷禾稼米驟貴民無以供庸調設法轉移至次年償補課不虧而民不病十五年歲大旱米益騰湧道路殍殮復煮粥賑飢陞任去入

國朝歷官兵部侍郎

國朝

張如戴號琅石閩中人舉人知縣事蒞政以寬數月間政理刑清時

王師南伐路出桐鄉民情驚懼如戴撫馭有方秋毫無犯地方以安立祠城隍廟左

王好仁字玉樞蓋州人順治間知桐鄉縣寬厚愛人值大旱偕士民步禱晝夜不倦卽雨民賴不饑復以民困上請得蠲正賦十之三爲治不務深刻政聲籍籍丁艱歸民歌思之歷官淮安府同知

黃輅儁大同人以貢生考授通判降授縣丞康熙三年任桐鄉丞潔操飲冰奉公夙夜脩城堞築官塘民賴以安

嘉興府志

卷四十三

名宦二

七

督造戰艦於海濱畱滯經年典衣鬻器以資糧糗居官十載處膏不暗而推已與人齋廚屢空異如也後卒於官貧乏不能歸里

徐秉元字子一遼東人蔭生康熙十三年知桐鄉縣自十年來無久任之官諸務冗積秉元以次處決安靜不擾凡陋規征收火耗槩行杜絕清苦自甘刁訟之風亦以感息康熙己未左遷去民追送者數千人泣別徒步百里立祠東街

以上桐鄉徐志

何金蘭字相如丹徒人進士康熙二十年以中書改知桐鄉縣禁無藝之征絕苞苴之入寬猛得中常講鄉約以

誘良除倉蠹以遏暴一時政教肅然至於脩理學宮重建雲龍閣開濬城河重啟西水門建羈所以便囚民建普同以收遺骨百廢俱興蒞任五年入爲戶科給事中桐民追慕之祀名宦祠

郭金湯字鞏庵漢軍鑲黃旗人康熙壬申知桐鄉縣潔已愛民不妄用官庫一錢割已俸葺城垣士民安枕重刊黃石公素書序以梓行

劉鎰字屏山江津人進士康熙庚辰知桐鄉縣歲祲發粟賑饑建尙義書塾以整飭士習時黃泥洞盜某糾聚無賴白晝殺人鎰廉訪得實率健卒易服微行直入巢穴

擒其頭目餘黨悉捕滅之民感其德肖像立祠祀名宦陳大慶字頤伯黃岡人進士康熙六十一年知桐鄉縣才敏機警徵輸有法不敲扑而輸將恐後勞心撫字始終如一

蔡可遠字致甫漳浦人雍正戊申知桐鄉縣外和內嚴折獄平允編審一事最稱弊數可遠改舊編圖里爲順莊一清飛灑詭寄之弊重建明倫堂名宦祠以勞瘁卒於官

余必夔思南人副榜乾隆己未知桐鄉縣居官儉約愛民息訟著日省錄公事畢輒與諸生講學論文民生子不

能哺乳者捐俸勸建育嬰堂至今賴之罷官歸行李蕭然

舒瞻字雲亭滿洲鑲黃旗人進士乾隆乙丑知桐鄉縣治尚簡靜以文學飾吏治嘗曰鷹鷂不如鸞鳳民安之工吟咏與四方名士唱和無虛日每季考鄰邑與試者數百人拔其尤者獎激之刊桐溪課士錄調知海鹽署平湖著有蘭藻堂詩集栖桐小草柘湖詩存

趙選安化人舉人乾隆丁卯知桐鄉縣判事明決牘無留滯廉得市井問斗斛大小不一秤輕重不齊易起爭端親臨查驗禁其奸偽民感其德

嘉興府志

卷四十三

名宦二

奎

季輔德夏邑人舉人乾隆庚午知桐鄉縣聽訟勤敏凡累年未結案牘謝斷一空民無羈訟每考試勤于論文口講指畫終日不倦以勞疾卒於官

謝光鐘字震嶠監利人進士乾隆丙子知桐鄉縣聽訟明決雖事當叢集經理裕如簿書錢穀諸務必親裁決不假手他人丁丑冬卒於官士民咸哭之

李永泰字東侯繁峙人拔貢生乾隆丙子爲桐鄉丞性剛介甘淡泊蒞任止一僕隨遇事精敏矯矯不阿尋陞四

川知縣

朱世錫江夏人監生乾隆庚辰任興史廉潔自矢安于淡

泊凡有委審案件經其開導勸息者無不感泣諭民以孝悌力田暇則與士人分韻賦詩工書人珍藏之

耿昭字扶瞻絳州人供事乾隆壬辰任典史隣邑嘉匯兜有巨窩某盤踞一方擾害閭閻昭獲其魁盜遂息落職去士庶徵詩送行勒石頌德

以上新纂



嘉興府志卷四十三

嘉興府志

卷四十三

名宦二

畜